

INUIT ATAQATIGIIT INATSISARTUNI



UKA2022/27

Ulloq saqqummiivik: 10.11.2022

Illit atit: Mikivsuk Thomassen

Utoqqaat pillugit isumalioqatigiissitamik utoqqarnut suliassaqarfimmi suliaqartunik peqataaffigineqartumik pilersitsinissamik Naalackersuisut peqquneqarnissaannik Inatsisartut aalajangiiffigisassaattut siunnersuut. Naalackersuisut utoqqaat pillugit isumalioqatigiissitap kaammattuutai tunngavigalugit utoqqaat pillugit inatsisissatut siunnersuummik UKA2024-mi saqqummiussissapput.

(Inatsisartunut ilaasortaq, Mariane Paviasen, Inuit Ataqatigiit)

Siullertut qujarusuppunga saqqummiisumut.

Utoqqaat ulluinnarni atugaat assigiinngitsuupput erlinnartuutitullu eriagisassatullu isigineqartariaqarlutik, ukiuni arlalinni sulisuusimapput inuiaqatigiinnilu annertuunik sunniuteqarnikuullutik,

Utoqqaat nunatsinnut annertuumik sunniuteqarnikuupput sulilu sunniuteqarlutik qujanartumillu amerliartorlutik, taamaammat siunissaq eqqarsaatigalugu sulianut annertuunut peqataatinneqarnerunissaat pinngitsoorneqarsinnaangilluinnarpoq, aammalu assortuussutiginnarneqarsinnaangitsut ulluninnarni inuuniarnerat pillugu pitsaasutit pitsaanngequtillu aaqqinniartsillugit, utoqqaanukua ataqqisassavut oqaloqatigiinnikkut peqataatsitinikkut pitsaasumik aaqqiissuutissarsiornermi.

Utoqqaat nunatsinnut annertuumik nunatsinnut / nunattalu avataanut sunniuteqarnikuullutik.

INUIT ATAQATIGIIT INATSISARTUNI



Nunarput isortartuujuvoq inoqarfiit minnerit nunaqarfinnilu najugaqartoqarluni utoqqarni taamaammata najugaqariuseq assigiinngitsumik inooriaaseqarneq isiginiagassatta ilagivaat, taakkuummata najukkaminni ilisimasaqarluartut qanoq inooriaaseqarnissaminnut pinngortsitamillu atuinissaminnut naleqqulluinnartut tulluarsarnikkullu isumaqarpunga utoqqarnut tunngasumik annertuumik suliniartoqartsillugu peqataatinneqarnerusariaqartut.

Inuit Ataqtiginiit kissaatigeqaarput siunissaq isigalugu utoqqaat pitsaasumik siunnerfeqarsimagaanni oqaloqtigiilluarnikkut anguneqarsinnaasut arlaqartut, uanilu pinngitsoorani kommunit, nunaqarfinnilu aqutsisut, utoqqaat illersuisuat, inoqarfinnilu utoqqaat peqtigiiffii, nunarfinnilu inukinnerusumik najugallit nunarput tamaat isigissagaanni. peqataatinneqarnissaat pingaaruteqarluinnarpoq.

Utoqqaat pillugit aaqqissuusseqqinnerit pitsaasumik suleqataaffiginissaat peqataarusuppugut, nunarpullugu utoqqaliffigiuminartuussaaq utoqqaat peqataatinneqarneratigut.

Inuit Ataqtiginiit utoqqaat najugaqarfigiumasaat toqqagaallu najussallugu ataqqilluinnarpagut.

Utoqqarnut tunngasunik assigiinngitsunik suliniaqataasartoqarpassuit qutsavissaapput illoqarfiminni assigiinnitsunik suliaqataasarnerat siuarsaaqataammata.

Taamatut Inuit Ataqtiginiit oqaaseqarluta naalakkersuisut innersuusutaat taparserparput.